



Aqqalu C. Jerimiassen

UKA 2022/79

Atassut

19. oktober 2022

Tarnikkut atugarliorneq aammalu imminut toqunnissamut ernumanartoqarneq akiorniarlugit innuttaasut tarnikkut ikiueqqaarsinnaanissamut pikkorissarfissaannik periarfissiisoqarnissaanut suliniutissatut pilersaarutinik Naalackersuisut suliaqarnissaat pillugu Inatsisartut aalajangiiffigisassaattut siunnersut. Sammisami attuumassuteqartut, uanilu immikkut piffinni ingerlatsisut kommuunillu suleqatigineqarnissaat Naalackersuisunit annertuumik anguniarneqassaaq. Periusissiatut pilersaarutit kingusinnerpaamik 1. juni 2023 piareereersimassapput.

(Inatsisartunut Ilaasortaq Anna Wangenheim, Demokraatit)

Ajoraluartumik alianaqisumillu ukiut tamarluinnaasa inoqaterpassuagut, inuusuttut piukkunnarseruttortut annaasarpagut imminut toqunnissartik toqqaraangassuk.

Tamattalu maaniittugut inersuarmi isertuussinnaanngilarput, pisartunut alianartunut annertuumik suliniuteqarusukkatta akiuiniarnissamut.

Partiit uani qalipaatai pisariaqarunangillalluunniit eqqarsaatigissallugit, inuummi inuunera qaqaqukkulluunniit tamani pingaarnepaammat illersortuassallugu.

Tarnikkut atungarliorneq immaqa suli inoqaterpassuatsinnit imaaliinnarlugu ammasumik eqqartornissaa paquminartuusinnaavoq, ingasammillu immaqa angutit eqqarsaatingalugit.

Sooq tassaniittuaannartariaqarpugut? Suleqatigii fissaqut tamatta uani partiit akimorlugit nassaarisinnaasariaqarpagut, inoqatittami inuuneri uani eqqartorneqarmata. Allat suut nunamat tungassuteqartut utaqqissunneqarsinnaasarpugut, inuulli inuunerata annanneqarsinnaanissaanik siunnerfeqarluni suliaqarneq kinguarsarneqarsinnaanngilaq, piaartumik iliuuseqarfigisariaqarpoq.

Tarnit nakorsaanik amingaateqaqaagut nunarput tamakkerlugi, siunnersuullu nuannerportaaq takullugu Naalackersuisut akissuteqarnerminni akuerineqarnissaanik innersuummassuk.

Atassummiit taamaattumik nangaassuteqanngilluinarluta siunnersuut ilusaatut iluseqartillugu toqqaannartumik taperserparput.